



Broj: 11-19-11-2-2811/24  
Datum: 13.11.2024. godine

Na osnovu člana 43 i 45 Zakona o unutrašnjim poslovima Federacije BiH („Službene novine FBiH“, broj 81/14) čl. 27. i 70. Zakona o javnim nabavkama („Službeni glasnik BiH“, broj 39/14, 59/22 i 50/24), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2024. godinu, v.d. Direktor Federalne uprave policije, d o n o s i:

## **ODLUKU**

o izboru najpovoljnijeg ponuđača u predmetu „Nabavka hemijskih sredstava“

**I**

Na osnovu obavještenja o nabavci broj 1412-3-1-300-3-128/24 od 16.9.2024. godine, objavljenog u „Službenom glasniku BiH“ broj 65/24 od 27.9.2024. godine, proveden je pregovarački postupak sa objavom obavještenja o nabavci, u predmetu „Nabavka hemijskih sredstava“.

**II**

Za predmetnu nabavku zaprimljena je 1 (jedna) konačne ponuda i to od ponuđača DANIAL S d.o.o. Tešanj.

**III**

Komisija je utvrdila da ponuda ponuđača DANIAL S d.o.o. Tešanj sa cijenom od 80.950,00 KM bez PDV-a, odnosno 94.711,50 KM sa PDV-om, a vodeći se kriterijima iz Tenderske dokumentacije, u ekonomskom i tehničkom smislu u potpunosti zadovoljava zahtjeve ugovornog organa, te je shodno tome dala preporuku da se donese Odluka o izboru najpovoljnijeg ponuđača što je i konstatovala u Zapisniku broj 11-19-11-2-2811/24 od 12.11.2024. godine.

**IV**

Obavezuje se ponuđač iz tačke 3. ove Odluke da u roku od 5 dana od dana prijema ove Odluke dostavi dokumenta navedena u Tenderskoj dokumentaciji broj protokola 11-19-11-2-2811/24.

**V**

Po okončanju roka za žalbu ugovorni organ će pozvati izabranog ponuđača radi zaključenja ugovora kojim će regulisati međusobna prava i obaveze vezane za predmetnu nabavku.

**VI**

Cijeneći prijedlog Komisije v.d. Direktor Federalne uprave policije donosi Odluku kao u dispozitivu i ista stupa na snagu danom donošenja.

## VII

Za izvršenje Odluke zadužuje se Sektor za finansije i javne nabavke.

### **O b r a z l o ž e n j e**

Komisija za provođenje postupka nabavke u skladu sa članom 8. Zakona o javnom nabavkama za 2024. godinu, imenovana Rješenjem Direktora Federalne uprave policije broj 09-19/1-30-2-16 od 04.01.2024. godine, postupila je shodno obavještenju o nabavci koji je objavljen u „Službenom glasniku BiH“ broj 65/24 od 27.9.2024. godine, na osnovu čega je proveden pregovarački postupak u predmetu „Nabavka hemijskih sredstava“. Procijenjena vrijednost iz Tenderske dokumentacije je 80.950,00 KM bez PDV-a.

Komisija je u toku postupka nabavke zaprimila zahtjev za učešće u predmetnoj nabavci od ponuđača SHOT d.o.o. Zenica i DANIAL S d.o.o. Tešanj.

Nakon čega je Komisija dala prijedlog Ugovornom organu za donošenje odluke o rezultatima pretkvalifikacije, te je donesena Odluka broj 11-19-11-2-2811/24 od 08.10.2024. godine. Komisija je dana 21.10.2024. godine uputila pozive kvalifikovanim ponuđačima za dostavljanja početnih ponuda.

U skladu sa navedenim rokom ponuđači su dostavili početne ponude i to SHOT d.o.o. Zenica i DANIAL S d.o.o. Tešanj.

Komisija je uvidom u gore navedene početne ponude konstatovala da je ponuda ponuđača DANIAL S d.o.o. Tešanj ocjenjena prihvatljivo, dok je ponuda SHOT d.o.o. Zenica ocijenjena neprihvatljivom jer ne ispunjava uslove tražene Tenderskom dokumentacijom u dijel tehničkih specifikacija ponuđene robe, što je konstatovano u Zapisniku broj 11-19-11-2-2811/24 od 29.10.2024. godine.

Dana 30.10.2024. godine obavljani su pregovori sa ponuđačima, gdje je ponuđač Danial S d.o.o. Tešanj obaviješten da će dobiti poziv za dostavljanje svoje konačne ponude, dok je ponuđaču SHOT d.o.o. Zenica saopšteno da neće dobiti poziv za dostavljanje konačne ponude, iz razloga što njegova ponuda ne ispunjava uslove propisane Tenderskom dokumentacijom.

Dana 31.10.2024. godine upućen je poziv za dostavljanje konačne ponude i to ponuđaču DANIAL S d.o.o. Tešanj.

Komisija je na sastanku održanom dana 12.11.2024. godine izvršila pregled zaprimljene konačne ponude, u smislu da li ispunjava uslove navedene u pozivu ugovornog organa za dostavljanje konačne ponude, te je utvrdila da ponuda ponuđača DANIAL S d.o.o. Tešanj ispunjava tražene uslove.

Komisija je konstatovala činjenično stanje i daje preporuku rukovodiocu ugovornog organa da donese odluku o izboru najpovoljnijeg ponuđača Danial S d.o.o. Tešanj, sa cijenom od 80.950,00 KM bez PDV-a, odnosno 94.711,50 KM sa PDV-om, koja u ekonomskom i tehničkom smislu u potpunosti zadovoljava zahtjev ugovornog organa, a što je konstatovano u Zapisniku broj 11-19-11-2-2811/24 od 12.11.2024. godine.

## **POUKA O PRAVNOM LIJEKU:**

Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog/prvostepenog organa.

### **Prilog:**

- Zapisnik o otvaranju konačnih ponuda 11-19-11-2-2811/24 od 12.11.2024. godine

**V.D. DIREKTOR  
(Načelnik SKP)  
GLAVNI INSPEKTOR**

**Vahidin Munjić**

### **Dostaviti:**

- Sektoru za finansije i javne nabavke
- ponuđačima
- u spis